


古今姓氏書辨證

附校勘記

三



古今姓氏辨證

附校勘記

(三)

鄧名世撰

古今姓氏書辯證卷十三

十陽上

陽

出自姬姓。晉太夫陽處父爲大傅。其後有陽畢。楚令尹陽句。字子瑕。生宮廐。尹陽令終。令終生完及佗。魯陪臣有陽虎及其弟陽越。前燕有北平陽耽。其先徙居北平。無終。西京雜記。司馬相如以所著鸛鵒裘。就市人陽昌貰酒。又漢畫工。下杜人陽望。善布色。

楊

周宣王少子尙文。封爲楊侯。其地平陽楊氏縣。卽漢之河東楊縣也。幽王犬戎之難。楊侯失國。及平王東遷。寔依晉鄭。以楊賜晉武公。晉於是并有楊國。司馬侯對平公。所謂霍、楊、韓、魏。皆姬姓。是也。晉武公生伯僑。伯僑生文。文生突。羊舌大夫也。食邑羊舌。凡三縣。一曰銅鞮。二曰楊氏。三曰平陽。突生職。五子。赤、肸、鮒、虎、季宿。赤字伯華。爲銅鞮大夫。生子容。肸字叔向。晉太傅。食采楊氏。生伯石。字食我。以邑爲號。曰陽石。又曰楊食我。食我黨於祁盈。盈有罪。晉并滅羊舌氏。叔向子孫逃於華山仙谷。遂居華陰。有楊章者。生苞。朗。款。苞爲韓襄王將。守修武。子孫因居河內。朗爲秦將。封臨晉君。子孫因居馮翊。款爲秦上

卿生碩。字太初。從沛公征伐。爲太史。八子。鷄、奮、彪、熊、喜、鵠、魑。喜字幼羅。漢赤泉嚴侯。生敷。字伯宗。赤泉定侯。生裔。字母害。裔生敝。字君平。丞相安平敬侯。二子。忠、惲。忠。安平頃侯。生譚。屬國安平侯。二子。寶、並。寶字稚淵。二子。震、衡。震子秉。秉子賜。賜子彪。四世太尉。震字伯起。五子。牧、里、秉、讓、奉。牧字孟信。荊州刺史。富波侯。二子。統、馥。十世孫。孕。孕六世孫。渠。渠生鉉。燕北平郡守。生元壽。後魏武川鎮司馬。生惠嘏。太原郡守。惠嘏生饒。烈。饒。汲郡太守。烈。平原太守。生寧遠將軍。祥。祥生忠。隋太祖武元皇帝。太祖生堅。字那羅延。隋高祖文皇帝。文帝生太子勇。煬皇帝廣。煬帝生元德。太子昭。世宗孝成皇帝。昭生侑。侑。侑。鄴國公。生行基。行基生棻。字德順。棻生溫。溫生幼言。皆嗣鄴公。倓。倓字仁安。燕王侗。字仁謹。恭皇帝。煬帝名廣。子暕。字世肱。齊王生正道。唐尙衣奉御。正道生崇禮。戶部尙書。太府卿。崇禮生慎餘。慎名。慎矜。慎餘。吏部郎中。少府少監。慎矜。戶部侍郎。生岳州刺史。諫。慎名。洛陽令。觀。王房。本出渠孫興。後魏興。○案。唐世系表作新。此作興。誤。平郡守。生國。國孫紹。後周特賜姓。屋。呂引氏。隋初復舊。後以士雄封觀王。士雄生恭仁。相唐高祖。生思誼。思訓。思訥。思訓。左屯衛將軍。有傳。生左衛將軍。嘉本。嘉本生慎交。慎交生洄。洄生悅。自慎交以下。三世爲駙馬都尉。恭仁弟繚。○案。唐世系表作練。續。綱。恭道。師道。續。都水使者弘農公。生思簡。思祥。思止。思止字不殆。唐潞州刺史。湖城男。生執柔。執虛。愛業。執一。執柔相武后。師道相唐太宗。生豫之士雄。弟士貴。肅道撫二州刺史。邢國公。士達。隋納言。始安恭侯。皆有世系。至六世孫孕。五世孫隋輔國。

大將軍河東公贊。生初光祿大夫華山郡公。初裔孫播。世居扶風。生炎。字公南。相德宗。炎生朗。殿中侍

御史漢太尉震子奉。字季叔。後漢中書侍郎城門校尉。八世孫結。慕容氏中山相。二子珍、繼珍。魏上谷

太守。生清和。太守真。真生懿。洛州刺史弘農簡公。懿生順津。順字廷伯。冀州刺史三門縣男。○案唐世系表作三門

伯縣。徙居河中永樂。生琛。儀同三司平鄉縣公。琛生汪。字元度。隋梁郡通守。汪生唐庫部郎中令本。令

本生友諒。志謙。志諒。友諒。吳陵令。生宣州司戶參軍珣。珣生釗。後賜名國忠。相唐明皇。事具外戚及姦

臣傳。四子暄。太常卿曉。殿中少監拙。鴻臚卿駙馬都尉晞。太子中允。志謙生蜀州司戶元炎。元炎生殿

中監銛。次工部尚書元珪。元珪生太僕卿駙馬都尉錡。次國子司業元璈。生湖中刺史鑑。銛、錡、鑑皆國

忠兄弟也。順弟津。字羅漢。後魏司空孝穆公三子。悛、暉。○案後魏書及北史暉字延季乃津弟。岐悛字

遵彥。北齊尚書令開府岐王。徙居遵武。自津及悛並有名。四世同居。伯叔兄弟爲公卿三十人。遵彥生

長安尉行表。○案唐世系表以行表爲岐子。北齊書悛子。行表生敏及繚。繚字再思。相唐武后。中宗弟

亮潤寂。潤字溫玉。唐國子祭酒朔城公。生回侃。侃白水令。生縝。縝、繪、綰、綰字公權。相代宗。生監察御史

宏微。越公房。本出中山相結。次子繼。繼生暉。洛州刺史。謚簡。暉生河間太守恩。恩生越恭公鈞。號越公

房。鈞生暄。字宣和。西魏度支尚書。生敷。字文顯。後周汾州刺史。臨正壯武公。案隋書敷謚忠壯。與此本互

周楊敷傳。魏建義初。襲臨貞縣伯入周。敷生素。字處道。隋尚書令司徒楚景武公。生元獎。積善。元感。積善

歷進公。此避宋仁宗嫌名。故改貞爲正。敷生素。字處道。隋尚書令司徒楚景武公。生元獎。積善。元感。積善

知章、篆、筠、籛、管、思輝生沼、籌生寓、範生瑄、玢、璵、瑄生弘毅、弘敬、弘基、弘讓、弘烈、玢生思已、弘毅生正度、弘基生正禮、正諫、正弁、正表、正用、正倫、正儀、魯士字宗尹、長安令、贈工部尚書、生希古、仁瞻、思實、崇鼎、源嶠、希古生徵、仁瞻生峴、嶠思實生敬福、郁。○案南部新書：塏生承休，承休生巖。巖生郁，是郁爲虞卿四世孫，與此異。源嶠生雍凡、汝士。

兄弟四人，共有二十七子。

○案：接此書汝士三子：虞卿七子：漢公十一子：魯士五子：共止二十六子。于數不合。考唐世系表尚有漢公長子韶州刺史思愿，此無之。蓋傳寫脫去。

三十

六孫，其間多知名者。文异弟文偉，儉少子也。隋溫州刺史安平公四子：榮、士積、安濟、纂。榮生武州刺史師駕部郎中泰溫令恪，恪生國子司業元表，司勳郎中元政，元政生殿中侍御史志元，志元生成名，成規，成名生憑、凝、凌，憑字虛受，刑部侍郎京兆尹，生渾之，凝字茂功，司封郎中，生厚。○案：唐世系表作後之，字謙人。凌生同州刺史欽之。○案：唐世系表作敬之，此誤。欽之生江西觀察使戴，字贊業，越恭公少子，寬，字蒙仁。

暄，儉弟也。周總管宜陽公，生文紀，字溫範，隋荊州總管陽山。案隋書：文紀襲封華山郡公。此作陽山，誤。○汾陰縣公，後改封上明郡公。此作陽山，本世系表：恭公，文紀生孝湛，孝儼，孝儼生宏毅，洛州長史，生瑾、珪、珪，辰州司戶參軍，生冠俗，奉天。○案：唐世系表作先，此天字誤。承冠俗生單父尉太清，太清生於陵，字達夫，左僕射弘農郡公，於陵四子。

景復、衛尉卿，嗣復字繼之，相文宗、武宗，生損及授，紹復字紹之，師復生拙，字藏用，又後漢益州從事楊疎，破賊有功，晉弘農楊氏，準有二子：喬、髦，皆幼，喬爲裴頠所重，髦則樂廣所知，準曰：我二兒，裴樂所優劣也。後周臨汾公楊專，姓越勒氏，趙國楊忠，姓普六茹氏，儻城公楊紹，姓屋呂引氏。○案周書：紹初賜姓屋公引氏，後賜姓叱

利氏。勇孫宏武。忠子隋文帝。紹子雄。皆復本姓。唐有三蠻。白馬氏之遺種。楊、劉、郝三族。世襲爲王。又松外蠻趙、楊、李、董爲貴族。

揚

漢成都揚雄。字子雲。生童烏。九齡能與玄文。今封子雲成都伯。從祀文宣王廟。

羊

出自周官羊人之後。以官爲氏。梁孝王客有羊勝。善詞賦。泰山南城羊氏。漢安帝時。司隸校尉。後漢書。授。生儒。桓帝時爲太常。儒生續。字興祖。懸魚不食者。位南陽太守。生京兆太守祕。上黨太守衛太常忱。祕生魏郡太守祉。車騎掾繇。繇生四子。秉、給、式、亮。○案。此下當重亮字。晉大鴻臚。忱。晉侍中蒙陰侯。生楷。權楷生中書郎綏。權生桂陽太守不疑。綏生孚輔。玄保。玄保生粲。戒。咸。粲。宋廣州刺史。衛生發。承。祐。發。淮北護軍。生倫。暨。伊。倫。高陽相。暨。陽平太守。伊。鎮南將軍。暨。生贈太常曼。晉廬陵太守耽。曼生賁。祕書郎祐。字叔子。晉侍中太傅鉅平成侯。無子。以兄子篇嗣侯。位散騎常侍。玄孫法興。嗣侯。黨桓玄。誅。耽生右僕射瑾。輔國大將軍開府儀同三司甘露侯。璠。瑾生玄之。晉開府儀同三司興晉侯。唐開元五年。有太子詹事羊師度。充營田使。後魏羊祉暴酷。人號爲天狗。赫連勃勃有征東將軍羊狗。謹按舊書云。羊舌氏之後。有單姓羊者。誤矣。當羊斟仕宋時。羊舌氏之族。方爲強家。安得單姓之說。

洋

揚州海陵多此姓。自云因洋川爲氏。

良

出自姬姓。鄭大夫其族有良佐。

涼

魏志有昌邑太子太傅涼茂。山陽人。必其先封於涼。因氏焉。

香

士人游宦南方者云。二廣有香氏。不知其得姓之因。舊姓書未有此氏。謹按。劉向新序有香居諫齊宣王爲大室。王召尙書書之曰。寡人不肖。好爲大室。香子止寡人也。詳此。則六國已有香氏。今增入。

鄉

見姓苑。

商

出自商王之後。以國爲氏。紂時有賢人商容。周武王式其閭。孔子弟子有魯人商瞿。字子木。澤字子季。元和姓纂曰。衛鞅封商君。子孫氏焉。誤矣。左傳。齊大夫商子車。商子游。皆爲戎御。鄭大夫商成公。倣司。

宮者。唐貞觀所定楊州廣陵郡四姓。其一曰商。

房

清河房氏。出自祁姓。房陵

案。舜封幾子丹朱於房。爲房邑侯。春秋時。防渚卽其地。唐武德爲房州。陵丹朱之子也。

二十五世孫鍾。周昭王時。食采靈

壽。生沈。沈十二世孫漢常山太守雅。徙清河。繹幕十一世孫植。後漢司空。植八代孫說。隨慕容德南遷。

因居濟南。四子裕。坦。遂。熙。號四祖。裕孫。後魏冀州刺史法壽。孫翼。仕至鎮遠將軍。襲壯武伯。二子。熊。豹。

熊字子彪。本州主簿。生彥謙。司州

○案。唐世系表作隸。

刺史。彥謙生玄齡。字喬松。相唐太宗。天下謂之房杜。喬松

生遺直。遺則。遺愛。遺直。禮部尙書。遺愛。駙馬都尉。遺直。五世孫楷。大理寺司直。生魯。字詠歸。魯生重。武

功尉。重生。大理評事。謬。謬生從約。從釋。從絢。從綰。遺愛有六世孫復及鄴。鄴字正封。玄齡。齊州臨淄人。

太尉梁文昭公。

河南房氏。晉初有清河房乾。使北虜。留而不遣。虜俗謂房爲屋引。改爲屋引氏。乾子

孫隨。魏南遷。復爲房氏。後魏殿中尙書武陽公倫。生北齊侍中吏部尙書謨。謨生廣深。恭懿。恭懿。隋海

州刺史。生彥雲。彥雲生元基。唐倉部郎中。元基生水部郎中元陽。元陽生融。

○案。唐世系表以融爲彥雲子。元基弟。與此異。

相

武后。融生瑄。字次律。相肅宗。瑄三子。宗偃。乘。

案。唐世系表。乘。乘作表。

復。宗偃。御史中丞。乘。祕書郎。孺。復。容州刺史。

元基弟元靜。膳部郎中。清漳公。生肱。肱生岳。蠻陟。武式。岱。密。巖。岡。武。興。元少尹。式。宣歙觀察使。

防

謹按後漢鍾離意傳。意爲堂邑令。縣人防廣爲父報讎。繫獄。其母病死。廣哭泣不食。意憐傷之。乃聽廣歸家。使得殯斂。丞掾皆爭。意曰。罪自我歸。義不累下。遂遣之。廣斂母訖。果還入獄。意密以狀聞。廣竟得以減死論。姓書未有。今增入。

方

風俗通曰。方雷氏之後。唐陸州桐廬人方干。以唇缺不第。有詩名。號元英先生。至今爲盛族。謂之鷓鴣方氏。鷓鴣地名也。

章

出自姜姓。齊太公支孫封國於鄆。左傳。齊人降鄆。子孫去邑爲章氏。神仙傳有章震。望出南郡。陳司空章昭達。唐右驍衛將軍章承嗣。梓州刺史章彝。湖州人。循王府長史章廷珪。杭州人。二族皆望出吳興。事見元和姓纂。唐貞觀所定濮州武陽郡七姓。泉州南安郡六姓。洪州豫章郡六姓。皆有章氏。

昌

出自黃帝子昌意之後。支孫氏焉。望出東海及汝南。西秦有隴西羌將昌何。

羌

西羌種族氏焉。

姜

出自炎帝。生於姜水。因以爲姓。裔孫佐禹治水。爲堯四嶽之官。以其主山嶽之祭。尊之謂之太嶽。命爲侯伯。復賜祖姓。以紹炎帝之後。夏商以來。分爲齊、許、申、甫、四國。世有顯諸侯。其居戎狄者爲姜戎氏。田和滅齊。子孫分散。漢初。姜氏以關東大族。徙關中。遂居天水。蜀大將軍平襄侯維。裔孫明。居上邽。明後魏兗州刺史天水郡公。生遠。後周朝邑縣公。生寶誼。左武衛大將軍永安剛公。生恪。協。恪相唐高宗。協成紀威公。又秦州上邽人。秦州刺史。謚安。子確。字行本。左屯衛將軍。郾襄公。生嗣。郾公簡。地官尙書柔遠。二子皎、晦。殿中監。楚國公。生太常卿駙馬都尉慶初。晦。吏部侍郎。九真姜氏。本出天水舒州刺史神翊。生挺。挺生公輔。復。公輔相德宗。復。比部郎中。廣漢姜氏。詩。後漢時人。事母至孝。有躍鯉之祥。西秦天水姜乳叛。乞伏益州。詩。平之。晉西夷護軍姜發。後秦天水姜訓。爲姚萇大將軍。椽。姜虬爲撫車東曹掾。姜紀爲揚威將軍。後涼呂光部將姜飛。將軍姜顯。

長

春秋。衛大夫長悻之後。有長武子。戰國時有長息。爲費惠公臣。本公明高弟子。姓書未有此氏。唯千姓編列爲長沮之後。按此。則周有長氏。不必沮後也。今增入。

張

出自姬姓。黃帝子少昊青陽氏第五子揮，爲弓正，始造弓矢，寔張羅以取禽獸，主祀弧星，世掌其職，賜姓張氏。周宣王時有卿士張仲，其後裔事晉爲大夫。張侯生老，老生君臣，君臣生趨。○案：唐世系表作老生趨，與此異。

趨生貉，其孫曰抑朔，至三卿分晉。張氏事韓，韓相開地，生平凡相五君。平生良，字子房，漢太傅留文成侯。生侍中辟疆及不疑。○案：此下當重不疑二字。生典，典生默，默生大司馬金，金生陽陵公乘，千秋字萬年，千秋生

嵩，嵩五子，壯、讚、彭、睦、述，壯生裔，裔生皓，字叔明，後漢司空，世居武陽，健爲皓，皓生宇，北平范陽太守，避地居萬城。案：唐世系表：萬城作方城，或因方萬二字破齊之誤。宇孫肥，如侯孟成，生平，魏漁陽郡守，平生華，字茂先，晉司空，壯武公

二子，禕、遼，禕字彥仲，散騎侍郎，生輿，字公安，太子舍人，襲壯武公，生次惠，宋濮陽太守，二子，穆之、安之，安之之族，徙居襄陽，穆之，宋交州刺史，安之，宋青州主簿，生宏策，字真簡，梁衛尉洮陽閔侯，宏策生經，

○案：唐世系表：後周上士，隋巴州錄事參軍，經生澧陽令，則生益府功曹參軍元弼，元弼生漢陽王柬之，表經作經。

相武后，中宗，遼，晉散騎常侍，隨元帝南遷，寓居江左，六世孫隆，太常卿，復還河東，後徙洛陽，生子犯，子犯生俊，河東從事，生弋，字嵩之，周通道館學士，弋生洛，洛生隲，字成隲，洪洞丞，隲生光珪，說字道濟，

相睿宗，明皇，生均、垺、垠，河東張氏，出晉司空華裔孫，吒子，隋河東郡丞，自范陽徙居河東，猗氏生長度，銀青光祿大夫，長度生俊興，相國府檢校郎將，俊興生思義，唐成紀丞，思義生嘉貞，相明皇，嘉貞生

延賞，初名寶符，相德宗，延賞生弘靖，字元禮，初名調，相憲宗，時號三相，張家，弘靖生文規，桂管觀察使，

次宗舒州刺史嘉貞弟嘉祐左金吾將軍相州刺史始興張氏亦出自晉司空華之後隨晉南遷至

君政因官韶州曲江君政韶州別駕生子虔子胄子胄生宏藏宏毅宏智宏愈宏愈索盧丞生九齡九

臯九齡字子壽相明皇天下謂之曲江公生右贊善大夫拯九臯殿中監南康縣伯生捷擢拱抗抗

生仲端仲膺仲宗仲基案唐世系表仲基作仲蕃仲方仲孚仲方祕書監曲江成伯有傳九齡子孫曾孫皆一人四

世孫二人五世孫四人六世孫七人七世孫十七人八世孫三十一人馮翊張氏出後漢司空皓少

子綱字文紀後漢廣陵太守曾孫翼字伯恭蜀冀州刺史子孫自健爲徙下邳德言龍州刺史生策案

唐世系表策作榮策生仁愿相唐中宗仁愿生之輔金吾衛將軍之輔生通儒及知微吳郡張氏本出嵩第

四子睦字選公後漢蜀郡太守始居吳郡裔孫顯齊廬江太守生紹梁零陵郡守紹生冲字叔元隋漢

王侍讀冲生後允字嗣宗國子祭酒十一子震濟謙遜案唐世系表遜作巽律師小師統師豐仁彥師瑾道師

律師王府諮議參軍生繼本義方承方承續義方字子儀邢州刺史生府正朔方節度府正生鑑字貴

權案唐世系表貴權作季權相德宗清河東武城張氏本自漢留侯良裔孫司徒歆歆弟協字季期衛尉生魏太

山太守岱自河內徙清河曾孫幸後魏青州刺史平陸侯生準陳案唐世系表陳作東青州刺史襲侯生靈真

靈真生彝隋末徙魏州昌樂彝字慶賓後魏侍中平陸孝侯生始均光祿卿平陸侯始均生景之案唐世系

表景之景之北齊兗州刺史恭公景之生虔虔度雄度雄隋陽城令生文信案唐世系表作禧文瓚文瓚字稚珪

相高宗。文瓚弟文琮。吏部侍郎。文收。太子率更令。文琮生戩、挹、錫、戩。江州刺史。挹、比部郎中。錫、相章后。

○案：當云相武后、章后。

周有司城中大夫虞鄉定公羨。

案唐世系表：羨之後爲河間張氏。此相章后下。應有河間張氏四字。

賜姓叱羅氏。生照。照字士

鴻。隋冀州刺史。復姓張氏。三子惠寶、惠瑤、惠珍。惠寶、絳丞。惠瑤、瓜州司馬。生祖政。祖令。惠珍孫約、通、通。

曹州刺史。生寂。孝開。寂生游藝。游藝生昇、兌。兌生蘭溪令綱。綱生君卿。正字。君卿生楊。字公表。天平軍

節度使。三子。文蔚字在華。相哀帝。爲朱全忠脅傳禪。又相全忠弟濟美。字舜舉。貽憲字去華。寂弟孝開。

蒲州刺史。生洪州都督知久。知久生汝州刺史栖真。栖真生感。

案唐世系表：感作威。○案：汲古閣本新唐書作感。

感生應。安南

都護。應生仲素。中書舍人。仲素生鐸。鐸生濬。字禹川。相昭宗。

中山張氏。漢丞相北平文侯蒼之後。世

居中山義豐。長諧生行鈞。行成。行成相唐太宗。高宗。生洛客。梁客。洛客生翥。翥起。魏郡張氏。世居

繁水。公謹字

○案原本：字譚生。据唐世系表改。

宏慎。襄州總管鄭襄公。三子。大象。戶部侍郎。大素。給事中。大安。相高宗。

生洽。左金吾將軍。況。同州刺史。浚。侍御史。

汲郡張氏。世居平原。越州司馬。善見。生荊州戶曹參軍武

定。武定生代州司功參軍知古。知古生鎬。字從周。相肅宗。所謂用之則爲帝師者。鄭州張氏。亮相太

宗。生慎微。元和姓纂曰。唐有安定。范陽。太原。南陽。燉煌。修武。上谷。沛國。梁國。滎陽。平原。京兆。等。四十三

望。大抵皆留侯遠裔。孔至。姓氏雜錄曰。唐初定清河。張爲乙門。又曰。唐張大師。延師。儉師。兄弟三人。並

列戟。時稱三戟張家。又有張沛。洽。涉。兄弟。亦同時列三戟。又開元中。張說。張嘉貞。同時入相。互爲中書

令時稱大張令小張令。又唐張萬歲及其子思廉。思廉子景。三世爲太僕。後漢書有交趾張游內附。封歸漢里君。巴人張翕爲越雋太守。得夷人和。益州刺史張喬。漢陽太守張貢。並爲護羌校尉。謁者張鴻擊羌吾滇。隴西太守張紆。放遣迷吾羌。燉煌太守張璠。陳破羌三策。交趾刺史張喬平蠻夷。

襄

後漢襄楷。字公矩。平原鬲陰人。晉五官襄珍。巴西人。以郡降李蕩。

相

姓苑音湘。

將

姓苑曰。石趙有常山太守將容。

莊

史記西南夷傳云。始楚莊王時。使將軍莊蹻將兵略巴蜀黔中以西。蹻者。故莊王苗裔是也。春秋時。宋大夫莊朝。莊革。戰國有蒙漆園吏周著。莊子書。蜀人君平。桐廬人光。字子陵。至漢避諱。改爲莊氏。案。漢明帝諱莊。故莊氏俱改爲嚴氏。此作改爲莊。誤。○案。鄧氏於周、君平、光、俱不著姓氏。本承上莊期、莊革。謂莊改爲嚴。此作改爲莊氏。蓋傳寫之譌。

嘗

風俗通曰齊孟嘗君之後氏焉。

常

出自姬姓。唐新豐常氏。咸安令緒。生杞王府司馬毅。毅生楚珪。楚珪四子。三原承無畏。案唐宰相世系表。無畏作無爲。生衮。相代德二宗。後燕有中書令忠。北燕有黃門郎陋。後趙冉閔僭位。命常煒聘南燕慕容皝。以爲廷尉監。

霜

出姓苑。